










EPB/A 7464 /A



2-5-9

24.3

IN HIPPO-

CRATIS ELEMENTA IACO.

BI SYLVII MEDICI

COMMENTARIUS

*



VENETIIS

Ex officina ERASMIANA apud Vincentium
Vaugris prope horològium Diui Marci.

M. D. XLIII.

Dr. Nelly. belaf. Lorenzi

2117113 V

IOANNI MORINO CRIMINVM

Censori apud Parisios æquissimo, Iacobus
Sylvius Medicus. S. D. P.

I homines, hominum causa, generatos
esse uerum est: (quod est præclare à
stoicis dictum) ut homo scilicet homi-
nem adiuuet, qui de communi hominum societate ple-
nius in dies, ac etiam in horas, commeretur, iure opti-
mo is, in uniuersi generis humani communitate, maxi-
mus simul, & optimus est habendus. Quæ causa etiam
unica, maioribus nostris, deos tam multos peperit, isti-
dem, Osirim, Palladem, Neptunum, Herculem, & alios
prope innumerabiles, commoda quædam maxima in
communem hominum utilitatem, largitos. Nisi enim
Hercules (ut cæteros omitam) Cacus latronem il-
lum maxime insignem de uita sustulisset, nisi idem Hy-
dram, Lernæ paludis beluam septemplex extinxisset:
hisq; & alijs quamplurimis regionum multa-
rum monstris à se domitis, de hominibus, tanquam
deus aliquis terrenus, fuisset bene meritus, nunquam
ab his deorum immortalium numero, post mortem,
fuisset adscriptus. Sed quid præclara Herculis facino-
ra, nobis tantum audita, commemoro? Nonne tu tan-
quam Hercules quidam Gallicus, non Cacus tantum,
sed Cacos innumerabiles atque adeò κακίστους latro-
nes, raptores, sicarios, homicidas, & reliquos homi-
nes facinorosos, reipublicæ perniciosos, communemq;
a ij hominum

hominum societatem omni uitiorum genere contami-
nantes, sic de medio tollis, ut iam sine iniuria in pace
uiuatur? Nōne prāter eam utilitatem publicam, ur-
bem quoque istam longē amplissimam annis antē te
multis non furibus solis, sed etiam superstitiosis co-
lorum contentionibus, contentiosis prātorum schola-
sticorum comitijs, litibus beneficiarijs, ut hydra illa
rediuuiis, & immortalibus infamatam, tanto studio
ab his facinoribus indignissimis uindicasti, ut musis li-
terarum bonarum otio planē liberrimo frui nunc li-
ceat? Tu enim ciues bonos, laude merita cumulas: tu
in noxios, ut sunt commeriti, animaduertis: facisq;
hac iustitiæ parte, ne cui quis noceat, etiam lacepsitus
iniuria. his uirtutibus ciuitatem nostram conseruas,
adiuuas, auges: sic, ut te ciuitatis nostræ salus hodie
nitatur maximē. qui uirtutis tuæ splendor est maxi-
mus, quum deo optimo maximo in terris uix quic-
quam fiat acceptius, quā concilia, cætusq; homi-
num iure sociatos (quæ ciuitates appellantur) conser-
uare, adiuuare, augere: ob idq; ciuitatum rectoribus,
& conseruatoribus, certum in cælo ac definitum con-
stituit locum, ubi cum ex corporum uinculis tanquam
ē carcere euolarint, beati, æuo sempiterno uisione
diuina fruuntur. Quæ autem causa me commouit, ut
amplitudini tuæ, commentarium hunc medicum dedi-
cauim, fuit, prāter fauorem summum, quo me, ut cæ-
teros literarum puriorum studiosos, unice prosequeris,
maxima studiorum similitudo: quæ tibi criminum
censori

censori æquissimo est cum medico . Huius enim prius
 est officium, ut inculpatam sanitatem similibus confer=
 uet: tu mores probos modis omnibus foues, atque ad=
 iuuas. Alterum medici munus est morbos profligare ,
 idq; remedijs malo contrarijs. Tu ex nostra republi=
 ca uitij genus omne, summa cura, industria, prouiden=
 tia, amoliris. Medicus extremis morbis, extrema ex=
 quisitè remedia statim adhibet, mitioribus primum ele=
 mentiora: deinde, si opus est, ualentiora . Tu leuiora
 quedam peccata, nunc publica solùm infamia, nunc uir=
 gis, nunc succisa auricula coerces : in grauiora etiam
 laqueo, uel decollatione, uel rota, uel oleo feruente, uel
 flamma ipsa animaduertis, ne quid postea tale ipsi com=
 mittant, & ut cæteri horum exemplo sint ad peccan=
 dum tardiores: quomodo canculos, cancrenas, sphace=
 los, & eius generis affectus immedicabiles, ferro sæ=
 pe, et cauterio, medici celebres, cum parte affecta, exe=
 cant, et proijciunt, ne pars sincera trahatur in uicium.
 In summa, medicus actiones per sanitatem integras,
 modis omnibus molitur, ut nulla corporis, aut animi
 molestia, diu uiuatur: Tu actiones per uirtutem Chri=
 stianas deo concilias. Vale, & quod amplitudini
 tue munusculum offerimus, grata manu accipe.

Handwritten text in a cursive script, likely from a 17th-century manuscript. The text is arranged in approximately 15 lines, though many are illegible due to fading and the quality of the reproduction. The script is dense and flowing, characteristic of the period.

In Hippocratis ele

MENTA IACOBI SYLVII MEDICI COMMENTARIUS.



ECTA rationalis, & dogmatica, eadēque uerè methodica (cui tāquam omnium optimæ ipsi nos ad diximus) nobis imperat corporis curandi naturam omnino noscendam, idque ordine maximè dupli-

ci, resolutorio, & contrario illi compositorio. Proinde corpus humanum nobis, in partes primū maximas, deinde alias omnes, diuidendum, quoad sensu minimas attigerimus. Maximè uerò totius partes sunt, caput, thorax, uēter, artus, capitis partes, oculi, aures, facies, ac reliquę intra cranium, & extra particulæ. Oculi partes, humores tres, tunica quatuor, quæ, ut aliorum similiter diuisorum ultimæ partes, sunt similes, & simplicissimæ, & in alias hominis partes non amplius diuiduæ: ob id elementa hominis sensibilia dicuntur, cū tamen uerè elementa nō sint. Nam, quæ albæ sunt partes in nobis, ex spermate prodierunt, rubræ uerò, ex sanguine materno sunt conformatæ. Sperma autem tam uiri, quàm mulieris, & sanguis maternus nostræ generationis principia, illud sicut forma, hic tanquam materia, ambo ex elementis quatuor cōflata, sed interuentu humorum quatuor sanguinem constituentium. Hi autem sunt, sanguis sincerus, pituita, bilis flaua, & suc-

Gal. intio
sanit. tuen
dæ.

IN HIPPELEM.

cus melancholicus. Elementa uerò in alia elementa non amplius diuidi possunt: sed physice in materiam tantum, & formam, prima & simplicissima naturæ principia ex philosophia naturali cognita, uti & elementa. Hæc tamen, quatenus ad medicum spectant, paucis explicanda nobis sunt, ut corporis naturam, ordine etiam cōpositorio doceamus. In quo prima sunt quæ resoluendo fuerunt postrema, ut contrà, quæ in componendo sunt postrema, resoluendo prima spectantur: ut domum cum demolimur, tectum primum, post parietes diruimus, postremum fundamentum eruiamus: si uerò ædes molimur, fundamenta iacimus prima, mox illis parietes instruimus, postremò tectum superdamus.

Gal. lib. de
elementis.

Porro elementum est pars minima rei, quæ constituit, propriè quidē ac simpliciter, ignis, aër, aqua, terra, philosophiæ naturalis materia: Abusuè autem loquentibus, medicis quidem elementa in homine sunt etiam humores quatuor, & partes similes, eadēque simplices sensu. Vnde elementares quoque appellatę grāmaticis uerò literæ, & alijs alię res quiduis primæ constituentes, seu diuidendo ultimæ, & minimæ. Quæ uerba, uti & Galeni diffinitio, ordinem istum duplicem innuunt: nam minima pars, & quæ diuidendo ultima est, resolutorium, Aristote li quoque expressum lib. 3. de cælo cap. 3. diffinienti, elementum esse corpus, in quod reliqua corpora diuiduntur. Compositorium uerò, cuius est elementum, seu quod reliqua cōstituit: quod Aristoteles plinius. 5. metaphysicorum expressit: elementum est corpus simplex, ex quo aliquid componitur, &c. Ex quibus

quibus Aristotelis diffinitionibus suā Galenus contēxuisse uidetur, & particulam corpus intellexisse, ut materiam, & formam corporū simplicium, seu elementorum, & mistorum principia, ab elementis separaret. Vtrunque autem ex his est, quæ ad aliud referuntur: pars enim, totius est alicuius, & elemētum misti est principiū. Ignis igitur, aër, aqua, terra, quatuor sunt elemēta rerum omnium hic generabiliū, & corruptibiliū communia: quem numerum ab Hippocrate, si Galeno credimus, institutum, à Platone, Aristotele, Galeno, cæteris confirmatum, tanquā certissimum recipimus, ne nobis, plura uno esse, & quot sint, uerbosius sit probandum.

Qualia autem in se sint hæc singula, quidque horum quoduis in congressu, & mistorum ex ipsis natura, aut agat, aut patiat, dicamus, à nominis ratione, & diffinitione exorſi. Elemento cuique nomen est unum ab ipsa rei substantia, & natura impositum, ignis, aër, aqua, terra alterū à uincente, & summa in singulis qualitate, calidum ignis, humidum aër, frigidum aqua, siccū terra: quanquam & humidū aqua Aristoteli in Meteorologicis, & Galeno in natura humana, & simplicibus interdum dicantur, alia tamē ratione, ut post explicabimus.

Res quæuis
nosctur no
minis ra
tione & dif
finitione.

Initio san
tuendæ.

Elemētum diffinitio, ut aliarum rerum est difficilis, ob id, quod uerarū, & essentialium differentiarū inopes sumus maxime, & quod elementis nihil est prius per quod diffiniatur. Ad hæc elementum corpus est simplex, nec habet unde constituatur. Diffinitio autem essentialis ex his, quæ rem constituunt, informanda est. Ideoque, quod fieri oportet, ubi

ubi differentiae essentiales desunt, proprietatibus formam rei consequentibus, aut eidem cōnexis res describenda est. Proprietates autem optimè cōstituuntur ex perfectissima cuiusque actione: suntque hae differentijs essentialibus proximae, & ad exprimendam, quantum datur, rei naturam accommodae. Perfectissima autem cuiusque elementi actio, à qualitate primam in ipso summa, profiscitur.

Est igitur ignis elementum, quod omnium maxime calefacit, & omnium maxime aër humectat, & aqua refrigerat, terra siccatur, ut singulis elemētis singulae primarum qualitatum summae insint: sed aliae quoque ex his, non tamen summae, at retusae, ut igni siccitas, aëri caliditas, aquae humiditas, & terrae frigiditas, inest, moderata tamen.

Singulis praeterea elementis, aliae insunt qualitates ex primis illis tactilibus, plurimum corporeis, omnium potentissimis productae: uirium quidem, quam primae, multò inferiorum, sed tamen eximiarum, tenuitas, raritas, leuitas, splendor, perspicuitas: & his contrariae, crassities, densitas, grauitas, obscuritas, opacitas.

Quae qualitates in singulis elementis, quā facultatē habeant ad generandū, aut corrūpendum, qui ignorat, de elementis infra modum philosophatur.

Quādoquidem, ut in singulis nostri corporis instrumentis, & alijs omnibus aliquid agentibus, una est pars primaria actionis causa effectrix, aliae ad sunt, per quas melior fit ea actio, quaedam, sine quibus non fieret eiusmodi actio, aliae denique per quas praedictae omnes conseruantur: sic in elemētis ipsis qualitas

qualitas una inest, summa scilicet, actionis elementi præcipuè, causa effectrix præcipua: quæ uerò illi sociata est qualitas, non summa meliorem reddit actionem: qualitates reliquæ ex primis ortæ, partim ea sunt facultate, per quam actio talis melior perficiatur; partim qualitates illas omnes conseruent. Causa autem, sine qua non fit actio, extra ipsa est posita, ut post audies. Non autem qualitas secunda sustinet rationem eius, sine quo non fiat actio, ut quibusdā placet. Nam aqua feruens urit, ignis modò, tamen ea quantumuis calfacta semper humidissima est Galeno, ut post audies. terra quoque calfacta siccatur etiam magis quam frigida, ergo neque ignis siccitas, neque aquæ & terræ frigiditas, si humidissima est aqua, ea sunt, sine quibus actio non fiat. Quæ quatuor cum in singulis elementis fuero paucis persequutus, finem scribēdi faciam. Ignis elementum est (ut dixi) omnium maximè calefaciens, qua uis summè calorifica, omnium ualentissimè homogenea, & quæ unius sunt naturæ in unū cogit, congregatque. Heterogenea uerò, & quæ naturæ sunt dissimilis, à se inuicem omnium potentissimè separat, singula tamen horum, in suam uelut familiam. Quæ perfectissima ignis est actio, eaque à qualitate in ipso summa, quæ est caliditas, profecta est. Sic enim rectè Aristoteles calidum, seu calefaciens diffiniuit. Hoc autem opus, cum calidorum reliquorum, tū maximè ignis esse, tibi apertè cōmonstrant fulminis, & ignis huius inferni effecta: nam si domus icta fulmine, uel occasione alia incendio flagret, terreum in carbonem, ac inde in cinerem abire cernes: aqueum tenuari, & si

multum

Lib. 4, Me
teor. ca. 1.

multum est per extrema exudare (ut in titione uiri di in censo quotidie uides) sin paucum, in uaporem, & aerem, flammæ alimētum, transit. aër poris lignorum clausus, & inanitatibus calamorum (quibus tecta domus fortè fuerit.) flammæ etiam pabulum est. tenuatus enim magis, fit ignis, à quo prædictorum portio plurima in fumum, & uaporem crassum soluta, deinde ui caloris separatur, & crassiore sua parte fuligo efficitur, tenuiore aër. Idem testatur in lacte coagulum, sed apertè minus, ob id quod etiam imbecillius multo calet, quàm ignis. Coagulū enim lactis uaccino, uel alij parum calenti immistum, calore per lactis in uentriculo primo animalium lactentium corruptionē acquisito, sed haud ita uehementi, crassas lactis uaccini, uel alterius, partes, ac terreas, in caseum cogit, & si quæ sunt, butyrosas ac aëreas, neutras tamen omnes, cum in sero caseosum quoque aliquid supersit, & fortè butyrosū, quod ipso percocto apparet, in caseum quæ secundarium à quibusdam cogitur.

Idem argumentum in butyri secretionē est. Nā calore cum externo, tū præcipuè interno, quæ multus baculi in imo lati & pertusi percussus excitat, butyrum à sero butyri in hac lactis parte separatur. Idemque in mille alijs liquidò apparet, ne in re perspicua testibus utar parum necessarijs. Ignis igitur suo calore summo homogenea cogit, heterogenea dissipat. Quæ tamen qualitas, ut aliarum quæuis, si sola agat, aut multo etiam insignius alijs, agat in generationis subiectum, nunquam fiat generatio, ut per uteros calidiores, frigidiores, humidiores, sicciores

Cores apertè declarauit in aphorismis Hippocrates:
 sed mutuo seipsè inuicè contrariæ inter agendū, tan-
 dem ut res ipsa existat & persistet, contemperant in
 corporum substantia, quæ tota permutationi, & af-
 fectioni, alterationique subiecta est. Calor igitur iste,
 sed iam diuinus, & rerum generator fecundissimus
 in semine sopitus, nutritione auctior & ualèti-
 or euasit, quæ in semine ipso est portio cerebri in cere-
 brū separat, & in pulmonem, cor, hepar, uentricu-
 lum, partesque alias, quæ pulmonis, quæ cordis, quæ
 hepatis, quæ uentriculi, quæ reliquarū quoque par-
 tiū in eo est portio. Est enim semē Aristoteli, & post
 eum Galeno, excrementū benignum ultimi alimēti
 singularum corporis partium. Qua ex re pēdet ma-
 ximè parentū in filiis similitudo, nō partiū tantū,
 sed uocis & aliarum actionū atque adeò morum: un-
 de à Mātuario Carmelita rectè scriptū mihi uidetur:
 Qui ui-
 ret in folijs, uenit ab radicibus, humor: sic pa-
 trū in natos abeunt cum semine mores. Hæc, ipse di-
 uinus calor semini animalitū, atque adeò plantarum
 insitus per se molitur, sed diuinū addidi, quod calor,
 qua calor est, heterogenea quidē illa separat, ac dissi-
 pat, & homogenea cogit, qua uerò diuinus est, cere-
 bralē in semine portionē sursum distribuit, & crani-
 portionē ex eodem semine secretā ipsi cerebro cir-
 cūponit, cordis portionē in medio pulmone & tho-
 race mediā, ex ipso semine secreuit, pulmonariā ue-
 rò thoracicamque in semine portione cordi circūde-
 dit, eadēque iustissima ipsius œconomia in reliquis
 partibus effulsit. sine qua, nōne, ut in lignis, & alijs
 urendis terreū omne subsidet aëreum, & igneū at-
 tollitur:

tollitur:aqueū, ut dixi prius, ambigit pro uaria sua substantia, & uaria sui motione. sic in imum corpus, uerbi gratia: ubi pedes & tibia sunt, quicquid in nobis est terreum, nōne ob insitam grauitatem subse-
disset? ibique ossa omnia, cartilagine, ligamenta, & rebrū, spinalis medulla & ossalis coacta substitisset? Adeps uerò sanguinis portio tenuior, bilis flaua, spiritus ipsi leuitate innata elati summa petissent? carnosum genus totum in medio interstitisset? Idem calor in semine diuinus, seu spiritus ille calidus, & nostri formator, uenas, arterias, canalesque reliquos & cavitates sensu manifestas, atque etiā obscuras (per quas corpus uniuersum est confluxile & conspirabile Hippocrati) fistulat, easque quibus maximè ad actionem, aut usum cōuenit applicat, & adaperit ossa minora, fecit spongiosa, crassissima etiam caua ad nutrimenti idonei repositionem, eadem ossa connectit tam affabrè, ut nihil omnino desiderari queat. Quid non facit idem quibusdam, aut anima, aut primum ac principalissimum animæ instrumentū censetur ob uires in gignendo, formando, uiuendo præcipuas. Hæc uerò effecta, licet à calore illo diuiniore non impedito sint inseparabilia, tamen illius nō sunt propria, cum reliquæ ignis & aliorum omnium elementorum qualitates in ea cooperentur, ut mox dicam, sed tamen igneus ille uigor, cuius cælestis origo est, primas partes in hac formatione sustinet, totus ubique actuosus;

Siccitas secunda, & mitior in igne est qualitas, illi insita, & substantiæ suæ cōnexa, quæ etiam corporis alicuius humiditatem iugendo & cōbibendo exhaurit.

haurit, quod siccare propriè dicimus, quanquam illi altera quoque siccandi uis accidit, & secundo inest, dum scilicet calor igneus humorẽ à se tenuatum foras euocat, atque dissipat. Vtraque siccandi uis actionem ignis reddit præstantiorem. Ignis autem non modò calidissimus est, sed calidis in uictoria, siccisq̃ue fouetur. Sicca enim omnia, quàm humida (nisi aërea & pingua sint) ardent promptius, ut in lignis experientia est quotidiana. Vinum item, mel, oleum, adipēs, quò ueterauerunt magis, eò calidiora, sicciora, tenuiora euaserunt (nisi speciẽ corruptione mutent) ob id etiam promptius ardent.

Nec tantùm ignis huius, sed multo magis ignis illius ætherei actionem siccitas iuuat, cùm sua, tum rei, in quam agit. Dum cuique parti formadæ apta, & in locũ idoneum secreta ex semine, portio, mox propter natiuam humiditatem diffueret ac relaberetur eò, unde est secreta, nisi adiutrix accessisset caliditati siccitas. Portione siquidem humiditatis illius largioris (utrunque enim nostræ generationis principium semẽ, & sanguis est calidum, humidum) per siccitatem illam duplicem, & præterea terream absumpta, iam stat mole sua, & tanquam fixa manet nostri corporis materia, cavitatũque latera amplius, ob mollitiem, non tam sunt in se inuicem decidua. Iam ossa ipsa nonnihil solida euadunt, & à uicinis partibus minus siccari habilibus apertè circumscripta dissident, quomodo figulinum opus uniuersum initio præ mollitiẽ caducum est: sole autem & uento siccatum, euadit solidius: igne uerò perfectè siccatum tum demum fit solidissimum: sic ossa in nobis

Initio lib.
sanit. tuenda.

bis prima ætate uelut cerea per nutritionem augentur: iustum autem assequuta incrementum, duritiæ induit lapideam, ac eam ipsam quotidie maiorem, & nulla hominis industria uitabilem. Quod siccitatis effectum in ossibus apparet magis, in cæteris tamen corporis nostri partibus ad portionem spectatur, in his quidē magis, in alijs minus, pro uaria principiorum natura, & educationis.

Ne igitur casta sit actio calidi, aut saltē parum firma, in subsidium addita est siccitas, quam non parum adiuuat maxima terræ cuique corpori mistæ magis, minus siccitas, de qua suo loco post nobis agetur.

Eandem commodandi rationem ignis leuitas, tenuitas, raritas, splendor, perspicuitas sustinet. Hisque qualitatibus adiutricibus fit, & caliditate omnium efficacissima, ut ignis exigua portione uires mutandi habeat omnium maximas, terra contrā etiam maxima portione minimas, ut interim actionem præcipuam, quæ à tota fit substantia, omittam. His ergo qualitatibus leuitate, tenuitate, raritate, splendore, perspicuitate fit, ut ipse ignis infernus, & multo magis æthereus iste, ac internus, in omnē corporis mutandi partē prōptius penetret, easque quantū uis exiguas, profundas, densas peruadat, & pro sua naturā afficiat, mutetque, & si datur, similes sibi reddat, hoc est summè calidas, siccas, leuissimas, tenuissimas, rarissimas, splendidas, perspicuas maximè, hoc est ignem, uel igneum, uel ignitum corpus efficiat. Ne uerò omnia sint ignis propter eximiam ipsius ad mutandum promptitudinem, & uehementiam, contraria

contraria aliorum elementorum natura repugnat. Nam elementis, ut agentibus reliquis, scopus est passum (quoad eius fieri potest) simile sibi reddere, nec prius ab agendo desistere, quàm uicerint, si uinci potest. Vt ergo ignis, dum in alia agit elementa, ea ipsa uincere conatur: sic cætera elemeta igni resistentia in ipsum agunt, ipsumque, si præpollent, uincunt, modo tota substantia, & qualitibus nōnihil cognata sint. Porrò tenuitas, quia calorem ignis summum sequitur, estque illius effectum, ob id in igne summa est, ut summa à raritate summa leuitas. Nam frigidum nullum, quia frigidum est, tenue est. Acetum enim, & succus corticis uiridis nucum, quanuis frigida sint, & ob id phlegmonarum incipientium remedia, sintque eadem etiam tenuia, quæ tamen illis inest tenuitas, quãdam in utroque substantiam igni tenuatam sequitur. Sunt enim hæc, ut alia pleraque, substantijs duabus contrarijs, & inde ortis facultatibus etiam contrarijs constituta. Quam rem indicat sapor, aceti quidem, non solum acidus, idemque frigidus: sed etiam acer & is calidus: corticis uerò nucis, multum amarus, substantiam terream igneo calore multum tenuatam sequutus, quo, per macerationem in aqua dulci idēdem mutata dissipato, cortex ipse manet ἀπOTOS, hoc est, qualitatis expers, ac insipidus, proindeque idoneus ad saporem quenuis suscipiendum, quod de cucurbita, & tubere, Galenus quoque pronuntiauit. Propterea nux uiridis ante condituram qualitate amara per macerationē, ut dixi, exuitur. Aër autem, flante borea, tenuior, quia, ob frigiditatem, uaporibus non crassescit, uti

Lib. I. sim
pliciu ca.

b

austrianis

IN HIPPOCRATIS ELEMENTA.

22. & lib.
6. Symp.
Tenuis du-
plex.

Austrinis flatibus. Tenuitas autē hæc facit, ut ignis, & ignea, promptē in partes minimas separentur, & nisi sint dura, & magna in omnem corporis partem promptē permeent.

Lib. 2. fa-
nit. tuēd.

Rarum, abusuē, & per metaphoram, quod laxū est, ac solutum, ut ignis, aer. Propriē uerò, quod poros, & meatus habet multos, & magnos, ut pumex, spōgia. Cōtra dēsum propriē quidē quod nullis, aut paruis est meatibus, ut buxū, ebenū. abusuē autem, quod est coactū, compactū, solidum, ut aqua, terra.

Vtraque autem raritas leuitatem habet adiunctā: sed longē maiore impropiē dicta raritas, quin et propriē rarum, ob id, leue est, quod suis illis poris, uel ignem, uel aerem, corpora rara, & ob id leuia, cōtinet, quorū loco, si aqua, aut terra poros impleat, (Vacuæ enim esse omnino non possunt) quanquam rara quoque tunc meritò dicerentur (cum poros & meatus habeant multos & magnos) tamen tantū abesset, ut pro raritatis ratione essent leuia, ut etiam omnino grauiā essent. Sic etiam densa hæc, sunt grauiā, & quibus infederant, grauitatem suā imperitiuntur pro multitudinis ratione, maiorem densiora, minorem minus densa.

Hac tenuitate summa, & raritate summa, & inde orta leuitate summa præditus ignis, ac multò magis iste ignis æthereus, etiam minimas partes alterandi corporis (ut dixi) attingit, quantumuis abditas, in quas actionem suā non explicaret, si pro tenuitate, raritate, leuitate, crassitiem, densitatem, grauitatem, terream sortiretur.

Calorem ignis utriusque, præterea iuuant dictæ qualitates,

qualitates, ut si quò abierint segregata corpora ab igni pulsa, eò ignis flamma his qualitatibus adiuta comitetur, eaque omnino permutet, quæ tamen semimutata fortasse manerent. Neque enim cerebro factis fuit, ut in hanc partem eius substantia sit à calore insito secreta, nisi etiam tenuitate, leuitate, raritate, ut idem de fulgore & perspicuitate polliceat, omnè cerebri partem penitissimè ad actiones suas comparasset, ut in eo nihil redundet, desydereturque nihil. Qua in re, opera naturæ, artificum etiam præstantissimorum, ut Phidiæ, Polycleti opera longè antecellunt, cum hæc tantùm foris superficie sunt bene expolita, intus uerò moles quædam terrea, rudis, ac impolita.

Cum naturæ opera, maiorem multò intus partium omnium dignitatem, admirabilemque non modo temperaturam, sed conformationem quoque ostendent.

Causæ ergo sint qualitates dictæ, non solum melioris ipsius ignis utriusque actionis, sed etiam ignè, ipsiusque facultates omnes, ac essentiam conseruât. Facile enim ignis uterque marcesceret, ac tandem extingueretur, nisi qualitatum harum beneficio pròptè in passum seipse quaqua uersum insinuaret: quæ res ad permutandi passum, siue ignis gignendi, aut nutriendi, celeritatè, magni est momèti. Calor quoque noster, quanquàm essentia est crassiore quàm igneus, substantiæ tamen totius proprietate, & dictis qualitatibus, paucis horis id perficit, quod nunquam ignis uel inceperit. Ex cibo quouis mox chylus, ex chylo sanguis, ex sanguine instauratus singularum

IN HIPPOCRATES ELEMENTA.

corporis partium fluor, id aperte demonstrant. Neque minus caloris huius custodiam qualitates hæ operantur, cum harum ope pabulum sibi continenter ex sanguine sibi molitur, & qui singulis in partibus est insitus, ex harum alimento aut, si desit, humido substantifico. Tenuitas, raritas, leuitas in igne, cum tam sint actuosæ qualitates, an in eodem fulgor, & perspicuitas sint otiosæ? At frustra est à natura factum nihil. Expendamus itaque, quam igni utrique commoditatem afferant: quanquam, ut igni externo manifestius insunt, & luci ipsi, ita in eo magis effectus illarum apparebunt: etenim in igne interno etiã insignius inesse cogitatione facile assequemur, sed & sensu ipso, ut postea probabimus.

Gal. aph.

Fulgores terrifici, quando micat ignibus æther, ut poeta inquit, lux flammæ, solis, lunæ caterorumque astrorum, quàm repente in medium aërẽ, & etiam aquam, vitrum, diaphanea reliqua se extendant longissimè, experiëntia quotidiana abundè persuadet. Quòdque corporibus, in quæ hæc agunt, splendorem quoque imprimunt, ostendunt fructus præsertim, qua parte solem excipiunt, ostendunt etiam alia plurima à flamma ipsa illustrata, & splendida reddita, sed caloris interni fulgor uel puero perspicuus est in colore corporis sanè florido, & benè habito, uegeto, ac nitente, apparet quoque in sanguine, bile flaua, atque adeo atra, quæ ex adustione nigredinem habet relucens. Apparet omnium maximè in oculis, quos, si in tenebris uel minimùm confricueris, cernas ex eo igneas quasdam scintillas confertim effulgere, & foras erumpere. (Visio enim ignis

ignis Platoni in Timeo, & sensorium uidēdi tenuissimum Gal. lib. 4. loc. apho. cap. 2. Aristoteli autem aqueū cap. 2. lib. de sensu) aliam scintillarum à percussu causam affert Aphro. probl. 58. sect. primę. In luce quoque splendida, percussus oculus eadem uisa efficit. Huic enim spiritui à calore insito splendor inest, cuius & raritatis, leuitatis, tenuitatis beneficio per neruos etiā momento ad imos usque pedes conuolat, ac in cerebrum, si cogitur, reuolat.

Sic aërem perspicuum, & planè purum lux solis, lunæ, facis, ac splendor derepentè permeat: crassum uerò, & nebulosum aërem, aut uaporem crasso uictum minima parte sui peruadit, id quod nobis liquiddò apparet, dum latet obscura cōdita nube dies, ac per caliginem, & in partis stupore. Neque solum alteri est magis permeabile corpus perspicuum, sed ipsum quoque magis est penetrabile, aqua enim minus transparens, quàm aër, tardius alia corpora penetrat, & tam aër, quàm aqua, quò purior, & ob id transparentior fuerit, eò celerius corpora alia penetrat, quò obscurior & opacior, eò tardius.

Haftenus satis explicasse mihi uideor actionem ignis primariam à calore eius summo perfici: meliorem tamen fieri, & etiā conseruari qualitatibus alijs, ipsi etiam insitis, siccitate, tenuitate, raritate, leuitate, fulgore, perspicuitate. Restat demonstrandum id, sine quo ignis non agat. Est autem non ei proprium, sed elementis cæteris atque etiam omnibus, quæ agunt aliquid commune. Id uerò est ipsius agētis, seu caloris ignei, quātitas, & robur, corporis quoque afficiendi ab igne præparatio, agētis, passurique

b iij corporis,

IN HIPPOCRATE.

corporis, aut contactus, aut idonea saltem uicinia. Medium item ad agentis robur deducendum accommodum, & liberum: postremò tempus, nisi enim agens passo fuerit quantitate, & robore potentius, actio non fiet, cum ab æquali proportionem actio, & uictoria non fiat.

Quāuis enim caliditas sit qualitatum omnium ad agendum efficacissima, tamen quantitatem quandam ad uincendum requirit, cum ignis scintilla lignum crassum uix unquam uisserit. Neque putes oportere passo agens mensura, aut pondere, aut mole semper præpollere, satis enim tantā esse eius quantitatem, quā cum hoc robore passum uincere possit. Nam ignis parua portione uires habet maximas.

Robur autē agenti est ipsi non à quantitate sola, sed à ui, & facultate quadam agendi insita, uel acquisita, etiam sine quantitate, ut milites multos, sed ignauos, stolidos imperitos, quanquā robustissimos, à paucis strenuis, sagacibus, exercitatis, etiā strigosis uinci sæpe uidemus. Quādā enim parua quantitate uires habēt transmutādi maximas, ut spuma canis rabidi, semen in muliere corruptum, aura illa utrulentata in epilepticis quibusdā, uenena plurima, aqua uini sæpissimè destillata chymistarum (si fiat) elixir.

Passuri corporis præparatio, quantam uim ad agentis uictoriam habeat, ostendit: morborum generatio in paratis tantum, humorum, iam expelli præparatorū, facilis uacuatio, alimentorū, sole, igne & alijs præparatorū, facilis in uētriculo coctio, lignorum siccatorum, pingui aliquo illitorum, in minima sectorū, facilis uictio. Quid uerbis opus est? nihil sub cælo

cælo sit sine hac afficiendi corporis præparatione. si enim sit rebelle, affici contumax, nihil, aut minimū patietur: & fortasse plus agat, quàm patiatur: quomodo qui manu lapidem cædit, & caput alicuius durum, plus seipse lædit, quàm percussum lædat.

Cum agens finitarū sit uirium, in quātumuis longinquanō aget aut tam imbecilliter, ut opus sensum fugiat. Cūque uis agēs per interualla delata, semper magis elāguescat, et quò magis procedit, eò sit imbecillior, quò propior est corpori ipsum producēti, eò ualētior inde requiritur agentis, & passi propinquitās, quæ illi ad agendū, huic ad patiēdum maximè sit idonea, ut ignis in propinqua, & contigua ualentissimè agit lōgè disita, ne calefacit quidem: lapis iactus propinqua ualenter cōtundit, longinqua uix afficit.

Medium agentis uim deducens liberum. Nā contactus omnino per mediū aliquod perficitur, ut docet Aristot. lib. de anima, ut uisio nō fiat, nisi aer sit luminosus, neque lapis hūc, quem appetis, aut percutiet, si alius intercesserit, uel corpus aliquod ualidum opposuerit. In alijs mediū. i. breuius, in alijs longius. Est, quādo id mediū uires agētis intēdit, aut remittit, ut calor ignis per aquā agit blādus, per cineres ualētius, per arenā quoque ualentius, per puluerē scorig ualentissimè. Et ignis, quē Grēcū uocamus, ignis itē fulminis urit sæuius, quàm nostras. ut ille ē in aqua urat, hic uinū, gladium, cōsumat: cū ignis tātum sit, sed intētionē diuersus ob alimenti, opinor, familiaris copiā, ut in oleo, terebinthina, melle, & similibus incēlis apparet. Cōtra ex lapide amiāto ellychniū oleo affuso flāmam nutrit, sed ipsum immortale manet

IN HIPPIELEM.

ignibus inuictum, uel totius naturæ proprietate, uel quod substantificum eius humidum igni non est habile depasci. Id quod declarant mantilia, eo, ceu lino, neta, & texta: quæ dum sorduerunt, igne purgatur nullo prorsus incommodo.

Tempus denique omni agenti est penitus necessarium, quòd nihil in instanti fiat, sed tempore ad agendum egeat. id quod ita est manifestum, ut probatione non egeat.

Hæc in igne fufius sum prosequutus, quòd is sit maximè omnium actuosus, & efficacissimus: deinde, quòd hæc in igne cognita nullam requirant declarationem nouam in aëre (cum hic quoque sit calidus, tenuis, rarus, leuis, splendidus, perspicuus) & hæc, atque alias causas, sine quibus non agant, habeant eadem cum igne. Ad hæc si contrariorum eadem est disciplina, aqua autem igni est contraria tota sua substantia, & qualitatibus propè omnibus, terra quoque quatenus crassa, dēsa, grauis, opaca, igni, & aëri contraria, non erit difficile, quæ de igne dicta sunt cæteris applicare: ut præterea mihi oratione longa non sit utendum. Paucis igitur eandem methodum in aëre exerceamus, cuius ut ignis, & reliquorum elementorum à natura ipsa, scopus est mistionis uarietas ad generationem, & corruptionem necessaria. Primaria igitur aëris actio quærenda est, ut in igne, sumēdæque ex qualitatibus in eo summæ actione. Ea autem qualitas, quæ sit, etiam doctorum sententiis ambigitur. quidam enim aeri summam humiditatem, aquæ summam frigiditatem tribuunt: alij contrà, frigiditatem summam aquæ, aeri summam humi-

humiditatem largiuntur. Quin & Gal. & Aristoteles nunc hos, nunc illos sequuntur. Nam aqua, præter quàm quod refrigerat, omnium est humidissima. Nihil enim est aqua humidius, libro. 1. simpl. cap. 30. in fine.

Aqua siue feruens, ut exurat, siue refrigerata maxime, humectandi facultatem nunquam, ut consensaneum est, deponit, lib. 1. simpl. cap. 8. ad finem. Humidissima quoque aqua Galeno statuitur lib. de natura humana commentario in textum (Nam ut annus) Et Aristoteli lib. 4. meteororum cap. 4. Aer uerò humidissimus Galeno dicitur commentario in textum de natura humana. (Cum igitur natura) & Aristoteli lib. 2. de generat. cap. 3 & alibi passim.

Quæ igitur est in aere, & aqua summa qualitas, nondum planè constat, & ea nunc esse in aere toto non una uidetur, sed in medio frigiditas, in summo caliditas quædam ignea, in imo multum uaria pro uentorum: regionum, & anni partium natura, tamè ferè qua tangit aquam humiditas, qua terram non humectatam siccitas. Hinc aquosis locis aerem semper humidiores experimur, arenosis, & lapidosis siccorem. Ad hæc infimus hic, & nobis circumfusus aer nos modò, calefacit, modò refrigerat, modò humectat, modò siccatur pro uaria (ut dixi) regionum, partium anni, & presentis status temperatura. Eum uerò qui est igni proximus, ignis naturam sequi uerisimile est. Medius quanquam frigidissimus sit, in omnem tamen excessum alterabilis uidetur, cum & frigiditatem illam summis æstibus intendi, alijs temporibus minime scribat Arist. cap. 12. lib. 1. meteororum.

rorum. Frigidissimū autem demonstrant mixta imperfecta, in eo, concretionē genita, nubes, nix, grandis pluuia, quodque omnia coagulabilia, atque ipsam aquā, nos ambiens aer, ubi medio similis euasit flatu Aquilonio, cōgelet, nō aqua, aerē. Eō autē frigiditatis aer medius peruenisse uidetur, non ex sua natura, sed ex accidenti. Vaporibus scilicet ex aqua iu eū illatis initio, qui densatus in eo tum etiam minus calido, quā sit summus igni uicinus, & quā imus radiorum reflexu calfactus, aquā frigiditātē natuā repetiuit, ac pro sua qualitate illa, aerem mediū iam frigidū effecit, ut uaporibus in cerebrum elatis, & in eo densatis cerebrū tandem euadit pituitosum, & frigidū, cum ipsum, uti partes spermaticā aliā, licet initio calidā sint, tamen quia exangues, frigide euadūt.

Arist. cap.
3. lib. 2. de
gene. ignē
in summo
terrā in cē
tro puriorē,
aerē uero
& aquā
impuram
gis elemē
ta.

Alij aerē medium natura, non ex accidenti, frigidissimū esse hinc colligūt, quod siquid purorum, & mistionis expertium est elemētorum, id in ea ipsius esse parte, quā à mutationibus cōtinuis est remotissima, sit uerisimile, ut in conuexo ignis, & in media aeris sphaera & ad polos aer & terra in centro. Ad quod aquā uergentes in uenis terrā ipsius etiā elementares magis fuerint. Cæteræ elementorum partes elementa non sunt, sed singulæ ex elementis cōflatæ. quapropter & nutriunt, terra, aqua, aer, & pyraustas ignis: nutrire autē non possunt, nisi ei, quod defluxit, simile substituunt: at id elementis quatuor cōstabat: ergo & quæ animal nutritura est elementi pars, elementis quatuor cōstitit, ob rā multas iā inde ab orbe cōdito elemētōrū alterationes, mutuasque in se trāsmutationes. Quādoquidem, quæ elementa
sibi

sibi sunt cōtigua, qua se parte attingunt, nullius elementi alterius interuentu in se continenter mutuò transeunt, ob symbolum, & cōsensum substantiæ totius, et qualitatum tum primarum, tum aliarum primas consequentium. Quem consensum quòd maiorē habent, eò promptior fit mutua eorum transmutatio: sic aer summus, & ignis imus tota natura sibi proxima in se facillè transire uidentur, ut aer nos ambiens facillè fit flamma, quæ in aerē derepētē redeat. Sic aer imus, & nos ambiens, & aqua summa, aqua ima, & terra sub hac summa, sed hoc discrimine: quòd, quæ ex elemētis ob essentiæ tenuitatē, & qualitatum energiā, mutari aptissimis, fit transmutatio, illa celerrimè, & nullius interuētū perficitur, quòd non solū à tota substantia secum familiari, sed etiam qualitatibus ualentissimis fiat, ut ignis, & aeris summi mutuam alterationē esse promptissimam, est uerissimile, quia multū cognata sunt hæc duò, & potentibus qualitatibus prædita, ambo enim leuia, rara, tenuia, splendida, perspicua, & tota natura cognata, caloreque, & siccitate sibi proxima, ut intensis parum his qualitatibus substantiam alterantibus, mox ignis ex aere illo summo fiat, remissis ex igne imò, aer, quod aer nos ambiens demōstrat, hic enim, & aerea omnia in ignem promptè transit.

Gal. lib. de
nat. homi.

Cōtra uerò elementa ob essentiæ crassitiē mutari inepta, præsertim à qualitatibus minimū efficacibus in se tardius trāseunt, ferèque alterius mediæ mutationis interuentu, ut aer nos ambiens in aquam, & aqua in aerem, non transit primò, sed per uaporē in quem, aer crassatus abit. Hic uerò uapor crassatus magis

Lib. 3. de
peramen.

magis fit aqua, quæ tenuata fit uapor, qui tenuatus magis in aerem transit, quod, caligo, & nebula, uapor utraque ostendit: nam tenuata magis in aerem uanescit, crassata fit pluuia. Per tenuationem uerò reliquas aeris qualitates intellige, ut aquæ qualitates alias per crassationem. Nam aqua non modo tenuata, sed leuior, rarior, perspicua magis: sed tota sua substantia mutata, fit uapor, & hic iterum omnes aeris qualitates, & substantiam adeptus fit aer, contraque aer natura sua tota, & insitis qualitatibus depositis, fit uapor: idem, aquæ substantia assumpta simul cum qualitatibus omnibus, fit aqua. Aer igitur per uaporem in aquam transit, & aqua per uaporem in aerem remigrat. Vapor enim, cum humor fit tenuatus, naturæ est mediæ inter aerem, & aquam, opinor quod ea duo elementa mox in se transire nequeant ob naturarum uarietatem, quomodo alimenta nobis familiaria lac, uinum, caro, mox corpus alunt, quæ magis sunt à nobis aliena, ut brutorum pascua, multis in medio egent antè transmutationibus, quàm nos nutrire possint. Nam aer tenuis, leuis, rarus, aqua crassa, grauis, densa, perspicuitate, & splendore tamen communicant duo hæc elementa, & præter hæc ignis. Sed hæc qualitates sine alijs sunt ad transmutandum maxime imbecillæ. Faciliusque terra in ignem transierit, quàm aqua, igni tota natura, & primis duabus qualitatibus contraria. Terra autem siccitate igni cognata est, quo fit, ut terrealignorum siccorum portio promptè in carbonem transeat, ignis speciem. Aqua uerò prius in uaporem, inde in aerem abeat oportet, quàm familiare ignis

Ca. 8. lib.
1. simpl.

ignis alimentum efficiatur. Ad hanc mutationis aeris, & aquæ tarditatem facit plurimum qualitatum mutationem hanc facturarum ad agendum imbecillitas, non substantiæ solius mutandæ contumacitas. Nam à frigido fit aeris in uaporem, & uaporis in aquam mutatio, adiuuante grauitate, crassitie, densitate: à calido autem imbecillo, aquæ in uaporem, & inde in aerem mutatio, adiuuante pauca utrobique leuitate, raritate, tenuitate, quæ qualitates magnæ essent necessariae, si ab aqua in aerem sine medio faciendus esset transitus: sic ex humore à calore imbecillo fiunt flatus in nobis, & aere uaporosa quædam substantia à uehementi non fit, nisi materia sit flatulenta. Gal. lib. 6. de causis Symptomatum. Multum igitur momenti habet ad transmutationis celeritatem substantiarum societas, similitudo, & familiaritas, quæ tamen per se mutare non sufficit sine qualitatibus primis præsertim, sed etiam alijs mutantam materiam præparantibus toti substantiæ omnium maximè mutant, imò quæ sola uerè transmutat, qualitates uerò ipsius sunt instrumenta, ut plenius docui initio libri de facultatibus naturalibus.

Aerem igitur natura frigidissimum esse, sed uarie à causis uarijs alterabilem, quæ prius dixi, satis illorum sententia demonstrant. Quibus addas licet non solum aerem medium, quia nihil, aut minimum alterationibus mutatur puriorem, & elementarem magis esse, & tamen frigidissimum: sed eum quoque, qui ad polos propinquat, eandem seruare naturam. Cum enim sol & homo, hominem, sol & planta, plantam gignat, tanquam potentissimus in generationem,

Lib. 3. tem
per.

IN HIPPOCRATIS ELEMENTA.

nem, & corruptionem planeta, is autem, quàm maximè illustrat aeris partem, ut quæ inter tropicos spargitur, sed etiam, quæ inter circulos arcticum & antarcticum, tamen quæ aeris pars his circulis concludi intelligitur, cū solem, aut non sentiat mensibus circiter sex, aut obtusæ propter multā obliquitatem reliquo propè tempore sentiat, sub his aer elementaris proximus fuerit. At is est, ut in medio sui frigidissimus, quod ostendit mare sub eo glaciale: ut etiam nunc aeris elementum, & eiusdem frigidissimi multum supersit, quantum scilicet à sole non calefit, nec miscetur rebus generandis, ut si in terra, & in aere illi respondente animo fingis circulum arcticum, & antarcticum, & à circulo arctico terræ ad circulum eiusdem antarcticum lineas deorsum curuas, uel in polos rectas duci imagineris, quæ circumscribant aeris nobis circumfusi, à sole illustrati & misti partem semper quidam æqualem (nisi aliquid impediat) nunc tamen uersus arcticum auctam, cum scilicet sol ad cancerum propinquat, nunc ad antarcticum, quando sol ad capricornum propius accedit: deinde etiam à circulo arctico aeris ad circulum antarcticum eiusdem lineas similes, sed ter curuas duci animo concipias, ut primum uelut semicirculo uersus circulum terræ arcticum deorsum dorso pergat, cui dum mediocriter propinquabit sursum reflectatur, quæ prius figura lineæ in terra à circulis sunt ductæ, sed inæquali, ut harum duarum linearum medio conclusa aeris regio, media è regione solis sit tenuior, quo magis à sole recedit, sit crassior: deinde perducatur linea ad circulum aeris antarcticum, ut quantum aeris inter lineas à circulis terreis, & aeris ductas

Etas inter sit, totū id sit elementare magis, & frigidis-
 simū, quę magna eius est portio, maior tamē multò,
 quę à sole miscetur. Nec ea tamē omnis fuerit ēt mi-
 stionis expers, sed ea tātū quę uim solis nō sentit.
 Quid quod nubibus, nocte, hyeme tātū, ad suā na-
 turā reuerti uidetur aer, nulla foris corrogata quali-
 tate, sed omīssa solis calfactione? est autem tunc frigi-
 dus. Cur autē, quę sub sole regio aeris media iacet, sit
 frigidissima, partim prius à nobis dictum est partim
 ab Aristoteli. Nō esse uerò humidissimū hoc est omniū
 maximē humectantem aere, sed aquam hinc docere
 conātur. Corpora omnia ēt inanimata immodicē sic-
 ca, nos aqua, & aquosis corporibus mistis humida
 reddimus, nō autem aere, & corporibus aereis, nisi
 aliūde humectatis. Oleū. n. humectat, non aerea, sed
 aquosa sua excrementosaque substantia, quā, ut succi
 ceteri, immistā cōtinet, eāque congelabilem, qua ab
 olei natino calore cōsumpta, oleum, ut aer, & aerea,
 alia à frigore, & gelu crassescūt tātū, nō cōgelan-
 tur. Adhęc, summa in quoque elemēto, qualitas, nul-
 la rōne (aiūt) tolli pōt, multò minus in contrariā mu-
 tari. Ignis, n. summa caliditas, igne manēte, nulla ra-
 tione aboleri pōt, multo minus ignis fiet frigidus. Eo-
 dē prorsus modo quę terrę inest siccitas, manēte ter-
 ra, nō tollitur, nec ēt, quę aquę inest, summa humidi-
 tas tolli. Illa, n. simplex, quātū uis calfacta, semper hu-
 mectat per se, per accidens uerò humorē ui, ac cititij
 caloris tenuatū ē corpore foras euocat, ac siccatur. Huc
 pertinet, quòd nunquā eò frigiditatis aqua uenit ex-
 se, ut alia congelet, cū aer interdū tā frigidus euadat,
 quādo uidelicet motus facit boreā, ut oīa cogat in gla-
 ciem,

Gal. lib. 1.
 simp. ca. 8.

IN HIPPOCRATIS ELEMENTA.

Vetus est
aer motus
Hipp. lib.
de flatibus
aliter Ari
stote.

ciem, durétque. Quanquam id frigus, imò aeri, ex locis sub polo glaciali ob solis recessum, accidere possit. Potest aer quoque hic elementaris magis statui. Fuerit igitur potius illis authoribus, aer natura frigidiſſimus, aqua humidissima, id est omnium maxime humectans, & qua nihil est humidius, ut lib. I. simpl. cap. 30. Aer autem calidus, & incongelabilis, ut Aristoteli dicitur, fuerit summus, & per æstatem imus, interdum & medius, alicubi frigus remittit, seu caloris quidpiam suscipit per æstus alicubi, hoc est penitioris eius parte, frigus intendit, ut Aristoteli lib. I. meteororum cap. 12.

Si uerò humidum id appellemus cum Aristotele, quod suum terminum, suamque superficiem exitimam ægerrime per se retinet, alienum uerò terminum, seu corporis alterius continentis figuram, suscipit, ut siccum illi contrarium, aer hoc modo fuerit humidissima. Hæc enim passio aeri magis inest, quam aquæ. Nam aer corporibus alijs, quantumvis mollibus, cedit, nullamque figuram ex se uel momento retinet. Vacuato enim uase aliquo aer mox subiens eius uasis figuram suscipit, suam exuit, & uesicam aere plenam, in quam uoles figuram, promptius mutaueris, quam aqua repletâ, & flatu quantumvis leui, aeris figuram mutas, siue utriculum implet, siue uesicam, figurâ igitur alterius cuiusvis corporis etiam aquæ, aer ipse celeriter admittit. Id etiâ declarat motus animalis per aerem multo celerior, quam eiusdem per aquam. Nam celerius per aerem, quam per aquam, uolat anas, & delphinus se iaculatur, & quo aer purior, & tenuior, & leuior, & rarior,

rarior, eò celerior per eum fit uolatus, quò crassior est aer: eò tardius per eum uolatur, ut aqua quoque, quò tenuior est, ac leuior, eò per illam promptius nauigatur, quàm per cōtrariam. Quod etiam docet lacus asphaltites, in quo propter aquæ bituminosæ crassitiem, animal mergi non potest, multò minus natare. Crassities enim aquæ ut marinæ, ad sustinendum naues grauissimas, pisces cetodes, quantum est apta, tantum ad penetrandum est inepta.

Nec absurdum tibi debet uideri aerem nunc frigidissimum, & aquam humidissimam dici diuersis scilicet rationibus, & significatis humidi. Nam aer humidissimus fuerit, quod terminum alienum pròptè admittit, suam uerò figurā, & superficiem ægrè retinet: aqua autem humidissima, quia summè humectat, immò etiam, quia in misto (ad quod Aristoteles humidi, & aliarum primarum qualitatum definitionē refert) alienum terminum omnium facillimè admittit, suum ægerrimè retinet: cum terminationi, & contemperationi usquequaque accommoda, per se uerò est facillimè terminabilis, ut exēpla priora ostendunt. Potest etiam aer humidissimus dici humiditate unctuosus, in ipso propter tenuitatem, & raritatem obscura: aperta uerò in aereis, ut oleo, adipe, humido substantifico, quod incongelabile est, quia aqueum non est, sed aereum, pingue, lentum, ut docet Arist. lib. de long. & breuit. uitæ. Immò nō frigidus natura, & modicè humidus est aer, ut illi persuadere conati sunt rationibus non ita probabilibus, & quas absurdissima plurima, quæ recensere longum esset, consequuntur: sed uerè est natura humidissimus,

Arist. li. 4
meteor.
ca. 1. & 4.

IN HIPPOCRATIS ELEMENTA.

midissimus, & modicè calidus. Id quod prius, quàm probè, paucis illorum rationes mihi diluendæ sunt.

Primo loco, quòd scribunt aeris totius qualitatem, nunc unam non esse, fatemur, cum & Aristoteles. cap. 3. lib. 2. de generatione, aerem, & aquam impuriore esse elementa, ignem, & terram puriora recipiat. Neque agimus de apparente uarijs anni partibus aeris temperatura, sed de natua, & insita.

Quod secundo loco asserunt, aerem elementum in media ipsius sphaera maximè inueniri, id cum Aristotele, nec in aere, nec in aqua recipimus, in igne & terra uerum est. Nam in media regione, cum mista imperfecta gignantur, & interdum animalia, & mōstrosa quædā, quæ Iupiter pluuisse dicitur, quomodo igitur ea pars pura erit, & non potius summa?

Tertio loco, quod subiiciunt formam cuiusque elementi qualitatem perpetuam esse, non magis ipsorum sententiam tuerur, quàm demolitur. Nam etsi donemus qualitatem cuiusque elementi summam in ipso esse perpetuam, id aerem frigidissimum non conuincit, quòd in media ipsa regio sit alterabilis, ut etiam Aristoteli uisum est docenti mediam regionem æstibus frigidiorē, quàm frigoribus. In qua, si ranas, & alia quædam mista perfecta gigni recipimus per æstus, ac pluuere etiam cum calor aliquis uicinas mediæ partes occuparit, fueritque tunc frigida, quomodo ouum in aquam feruentē iniectū ambitu coquitur quidem, intus uerò crudum manet, & panis traditus igni ualido, ut, si assatur, intus humescit magis, protrusa intro parte humiditatis superficialiæ.

Quarto loco, quòd aqua nunquam tam frigida, ut congelet,

ut congēlet : aer autem Borealis omnia con crescere habilia, cōgelat, id ex frigiditatis intensiōe sola non accidit, sed essentiæ tenuitate & crassitie : aer enim frigidus ob essentiæ tenuitatē facit frigus penetrabile magis, & aquam cæteraque gelabilia etiam penitissimè cōgelat: aqua autē frigida, et frigore et essentie crassitie sibi uia præcludit, ut ne minimū quidem intrò penetret. Quin & aqua calfacta in aere etiā æstiuo, & meridiano deposita frigiditatē recipiet, uelut natuā multò maiore, quā quæ ab aere. ex quo patet eā natura esse frigidiorē aere. adhuc si aer esset frigidus, tria elemēta essent frigida, unicū & à nobis remotū calidū, & caliditas in nullo elemēto esset remissa, cū singulæ aliæ in aliquo sint elemēto remissæ, ut singulæ summe. Sed de his plus satis. nunc aerē natura humidissimū, cum Aristotele probemus, hoc est etiā maximè humectantē. Nā æs, & intimos lapides, citò, ac penitissimè humectat, si pluuius est Humiditate tamē parū diu ob tenuitatem duratura, aëria uerò pinguis, ut adeps oleū etiā diu humectant: quū aqua, nec citò, nec diu, nec penitus humectet. Quod si aerē pluuiū ab aqua sibi mista non à se humectare dixeris, nō negabis aerē uernum cū Hippocrate calidū humidū, & eundē mutationum à sole, & alijs magnarū maximè expertē. Nā neque friget, ut hybernus: neque calet, ut æstiuus: sed uelut in harum qualitatū medio est, neque siccus, ut æstiuus. Humectare autē multò magis, quā hybernus, hinc deprehendas, quod germinationi, & animalū generationi est aptissimus: quæ duo sine larga humiditate, nō fiāt, & largiore, quā seminis calor natius, aut solis possit

IN HIPP. ELEM.

depasce. Si enim totā depasceretur calor alteruter, neque generatio fieret, neque per nutritionē auditio. Aer igitur omnium penitissimè, & citissimè & potentissimè humectat calido adiutus, & tenuitate, leuitate, raritate, quibus qualitates contrariæ aquam penitius, & potentius humectare prohibent. Quæ alia in hanc rem dici possunt, ex uarijs Aristotelis locis adscribere superfedeo, ad secundam aeris qualitatem mihi transeundum est.

Aeris qualitas secunda ipsi saltem fuerit humiditas, quæ immodicam ab ipsius frigido cōcretionem impedit, ob id per eam melior actio aeris fit à frigido, ut uolunt, profecta. Partes enim corporis (inquiunt) tanquam lignum rigidum nolumus, præter ossa, sed molles & flexiles aeris humidi, & aquæ beneficio. Quanquam enim humida quædam magis concreescere uidentur, quia uidelicet simul terrea sunt, tamen quæ omnino humida sunt, terrenæ fœcis expertia frigore non concreescunt, ut uina tenuia: acerum, cum his aquæ loco paratum atramentum scriptorium, aquæ item igni destillatæ tardius concreescunt his, quæ aquæ uapore destillatæ sunt, & ambæ aqua dulci: quæ quantò crassior, tantò citius concreescit. Quin & si aeri aquea humiditas accesserit, ut aquas tangenti, aut pluuias & caliginem, multò magis corpora omnia etiam abditissima humectat, quàm aqua ipsa, sed minus diu, quod aeris tenuitas, raritas, leuitas, splendor, perspicuitas aquam penitius in alia conuehant, in quæ aqua per se ob crassitiem, grauitatem, densitatem, nunquam penetrarit, ut idoneum sit aquæ uehiculum aer, quomodo

do propter totius corporis caliditatem, & siccitatem sitientibus, uinum uel acetum ex aqua sumptum sitim celerrimè extinguit, quum acetum siccitate & pauco calore præsertim, si acre admodum est, per se augetet, ut uinum calore, & ei proportionè respondentis siccitate, aqua uero quanquam frigida & humidissima sitim illam extinguere sit idonea, tamen ob frigiditatem, cruditatem, crassitiem, densitatem, grauitatem, diu in uentriculo, & hypochondrijs moratur, neque in partes refrigeratione, & humectatione egentes, penetrare potest: cum frigiditate poros, & orà uasorum densante, uiam sibi ferè præcludat.

Paucum autem acetum præsertim album, uel aliter tenue multè aquæ mistum tanta scilicet mensura, ut bibi citra molestiam possit, sitim illam celerrimè extinguit: & paucum uinum etiam album, uel pallidum, uel rufum & fuluum aquæ, sed largiori mistum. Aqua enim aceti siccitatem, & siqua inest ob acrimoniam caliditas, humiditate & frigiditate frangit, & uini similiter. Vinum uerò, & acetum essentia tenuitate aquam, ceu uehiculum quoddam, in partes remotissimas celerrimè perferunt. Minus diu autem aer humectat, quam aqua, quòd eius humiditas, ut magis est per uias & corporum recessus ac poros meabilis, ita est dissipabilis magis. Aqua uerò in eisdem meatibus ob crassitiem egrius inferitur, ibi tamen cōsistit ac diutius retinetur, ut quæ uniuersim, & citò nutriunt, uniuersim, & citò uacuatur, quæ paulatim ac tardè nutriunt, paulatim & tardè à calore nostro dissipantur, Hippocrati in Aphorismis. Porro aerem natura humidissimum, et modicè

Oxycratē
id est potius
sca.

calidum facile deprehendes, cum mutationibus à solis accessu, & recessu maximo uacat, ut uere ipso, quando maximè est genitiuus aer, & prolificus maximè in toto plantarum genere: quanquam etiam tū humiditatem ex hyeme retinere, calorem ab impendente æstate, & incipiente solis ad nos accessu, causaliquis possit.

Tenuitas, raritas, leuitas, splendor, perspicuitas in aere facultatem habent eandem, quam in igne, sed tantò minorem, quātò aeri insunt hæ qualitates, quàm igni imbecilliores. Insunt igitur, ut melior aeris primaria fiat actio, qualisqualis illa est, utque aer, & omnes eius qualitates cōseruentur. Per has enim aer agibilis purior, & incorruptior euadit, ut enim uitium trahunt ni moueantur aquæ, sic aer conualle, domo, arca, loco alio conclusus, corruptionem sui odore tetra prodit. Quæ putredo est omnibus non diffatis, nec uentilatis, præsertim calidis, humidisque austris flantibus qualis est, nos ambiens aer loco calido & humido conclusus.

Calor enim, ubi paulò est auctior, putredinis est author, utpote iā rei ipsi præter naturam: humiditas uerò illa plurima à calore natiua, non cohibita, nec uicta diffluit, & elemētorum dissolutionem, seu putredinem accelerat.

Cætera quæ de igne sunt dicta, sic ad eius actionem necessaria, ut sine his actio non fiat, eadem similiter de aere, aqua, terra sunt expendenda, agentis, scilicet quantitas, & robur, passi dispositio, utriusque contactus, aut iusta saltem propinquitas, per quam agere & pati queant, medium
legitimum

legitimum & liberum, & tempus. Quapropter in his sermone longo mihi utendum est nequaquam, sed ad reliqua duo elementa paucis explicanda transeundum.

Aqua omnino est ijsdem humidissima, quod (ut ex Galeno afferunt) humectandi facultas ab ea sit inseparabilis, cum ea, quantumvis calfacta, & refrigerata sit (modo non sit concreta) semper ex se humectat maximè. Ex se autem dicunt, quoniã feruens aqua, aut frigida multum, nobis ingrato hoc utroque excessu feruoris, & frigoris, cutem densat, & poros contrahit: sicque aquam aditu ad interiora prohibet. Quæ uerò temperata est, & omnis alienæ qualitatis expers, illa semper humectat, siue potu sumatur, siue balneo corpori circundetur.

De gener.
cap. 3. probat Arist.

Hæc aquæ humiditas, magnarum est illis uirium in generatione, summam enim terræ siccitatem, & eam duplicem, quæ ab igni proficiscitur, aeris humiditate adiuta corrigit. Hæcque cum terra, materiæ plurimum corpori tribuit, cuius continentia ferè sunt aquea simul, & terrea, atque etiam contenta, præter impetum facientia, seu spiritus, quæ ac rea magis & ignea sunt, ut igitur terra ex aqua subacta sit lutum, habile ad formam quamvis suscipiendam, sic nostræ generationis primordia, semen uiri & mulieris, & sanguis maternus, ambo ex quatuor elementis composita: sed sanguis, aqueus & terreus magis, semen uerò, quamvis initio aereum magis ac igneum sit, dissipata non multò post horum elementorum magna ui, & substantia, quæ ex illo fiunt partes, aqueæ & terreæ euadunt. Ta-

Aqua feruens densat Gal. libro, sanis.

les enim temperamento sunt omne spermaticæ, & albæ in nobis partes, hoc est frigide omninò, & quædam etiam subhumide, ut cerebrum, nervi sensifici, quibus aquæ plus inest, quàm alijs siccis: quæ sunt cerebellum, spinalis medulla, nervi molares, ossa, cartilagines, ligamenta, tendones, membranæ, idque magis & minus pro largiori terræ portione, nisi & siccitas ignea accesserit, uel statim initio, uel saltem ætatis cursu, aut uictu siccante.

Sed hi non uident ex terra elementari, quæ, quo uis adamante, Galeno testante durior censetur, & aqua, lutum fieri non posse, cum aqua in hanc nunquam permearit: Aer autem promptè permearit, ut etiam lapides & metalla subeat, & ea etiam præ gelu frangat, aut fragilia magis reddat. Neque natiuam illam humectandi uim aer unquam perdit, nisi adeò sit alteratus, ut aer propè iam esse desinat. Summis enim æstibus igneus est aer, non aer absolute. Est igitur nunc aer humidissimus, quia celerrimè humectat: aqua humidissima, quia maximè diu humectat.

Secunda aquæ qualitas iisdem est frigiditas, quæ tamè Aristoteli cap. 3. lib. 2. gener. est prima, homogenea, & heterogenea ad mixti compositionem congregans, sed non adeò ut congelet. cum sit in aqua non summa ut in aere. Huic tamen si interdum summa proxima accedat ex frigore aeris, aut terræ, tamen mitior sentitur quàm aeris frigiditas: siue, quia ob aquæ crassitiem, & motum frigidi pigrum minus intra corpora penetrat, quàm aer. Hinc penetrabile frigus aeris magis, quàm aquæ suo contactu corpora

corpora nostra afficit. Quod si etiam detur maior aque, quàm aeri inesse frigiditas, tamè quia humidissima esse aqua prius est probata, minus glaciari est habilis ab sua frigidityte, nisi quæ terrea multum est.

Hæc præterea frigiditas, ignis summum calorem temperat, quomodo (si Aristoteli credimus) cerebri frigiditas, cordis caliditatem, facitque frigiditas aquæ, & aliorum cum calore, iustam partium in calido & frigido mixturem, quomodo humiditas siccitatem corrigendo, humidi & siccus corpus quoddam medium efficit, cui scilicet esse tali conuenit ad edendam actionem suam, uel usum præstandum, sed tamen frigiditas hæc, quædam in nobis glaciatur, ut pituita frequenter in cerebro, adipem in omnibus corporis partibus, neruosum genus. Huius enim substantia est à frigido concreta, ob id fotu aquæ calidæ dissoluitur.

Quomodo quæ glacies multis iam annis loco aliquo concreta manet, cristalli modo fit durissima & ægrè fusilis, ut & succinum septentrionali frigore ualenter concretum, cum gummi pini Gallicæ facile soluat: sic adeps in nobis nouus calore non ita multo liquatur & soluitur: uetus autem uehementi, ut per febres ardentes, in quibus urinæ pingues, & deiectiones optimæ inde apparent.

Splendor, & perspicuitas in aqua uires habent easdem, quas in aere & igni, sed maximè imbecillas, quod in his leuitate, tenuitate, raritate, & in igni præterea calore iuuentur ad penetrandum, in aqua frigidityte, crassitie, densitate, grauitate magis penetrare prohibentur. Tamen hæ tres aquæ & terræ communes qualitates, uti tres oppositæ igni & aeri magnarum

Galenus
id falsum
probat li.
usus partium.
Gal. lib.
Meth.

gnarum sunt uirium, & ad mitionē iustam necessaria, primū, ut substantiæ plus sub mole parua continerent: non cōtrā, ut ignis, aer, rara, ut dixi, corpora. Aqua enim, & terra, misto solidæ substantiæ plus suppeditant, & gravitatem, quietēque præstāt, seu plus materiæ crassioris: ut contrā, ignis, & aer plus materiæ tenuioris, & spirituosæ, à qua corpori leuitas, ad motiones promptitudo. Quod apertè ostendunt tenera animalia moueri promptissima, & aptissima ob spirituum magis æthereorum copiam, præsertim ubi iā aliquantulum adoleuerint. Vetula uerò sedere, quiescere appetunt, si mouētur, propè inuita, nec celeriter etiam, si uelint, possunt, quod aqua & terra iā magis dominātur, unde & pituitosa sunt maxime in spacijs inanibus, sicca plurimū in solidis partibus. Quin & spiritus impetū facere cōsueti in his supersunt perpauci, & hi quadātenus iā frigore concreti, pigri, mouere inepti, in aquosam, & terream naturā quantum spiritui datū est, inclinātes. Vt igitur aqua, terræque misto plus materiæ largiri uidentur, sic ignis & aer plus formæ, aut saltē ex aqua, & terra materiā informē, & ineptam ex se ad formam recipiendam, uelut poliunt, fingunt, formant, ad formæque suscipiendā omniū maxime apparant, et hac suscepta magis exercēt agitatione perpetua. Cui nisi aqua, & terra crassitie, dēlitate, gravitate obliterēt, & ignē aeremque uelut illigarēt, ac nexu quodā mitionis coacerēt, haud dubiè mistū parū diu superesset elementis illis tenuibus, leuibus, raris, irrequieto motu cōsumendis, aut stationē suam deserētibus, & in locum natium reuolantibus. Ergo elemēta hæc duo,

duo, cōtrarijs duobus mista, corpus quoddam gra-
uis & leuis, denſi & rari, medium efficiunt: quod
à leuibus illis mouetur, à grauibz interdum quie-
ſcit: ut ſit durable magis commodante in id non pa-
rum ſomno, frigiditate & humiditate, horum ele-
mentorū cōciliato, quem caliditas & ſiccitas in-
terrūpūt, uigiliāsque ac inſomniū inuehunt. Calore
enim motū excitari oſtendūt, uipere ſub æſtu, & ho-
mines uiuo, aut aliter calfacti: frigore uerò quietē cō-
parari teſtātur partes nobis frigore torpidæ, & uipe-
ræ, aliæque animalia hyeme latētia, tuncque mortuis
ſimillima. Grauiā igitur, & dēſa, & craſſa hæc elemē-
ta, cōtraria cohiberi inepta continent, ut corpus ani-
mā, & uafa uitrea, & denſa aquā, uini olea chymiſta
rū, facile ob tenuitatē, raritatē, leuitatē exhalabilia.

Gal. lib.
loco aff.

Terra tanquā officina quædā, & fundamentum
generationū, ac naturæ ſubiectum materiā præbet
omniū plurimā corporibus gignendis: quapropter
etiā plurima corruptis ſupereſt. Ea omnium maxi-
mè ſiccatur ex ſeſe, præſertim, ſiqua eſt elementaris, &
ſimplex. Eadem cum ſit ſicciffima, etiam eſt omniū
duriffima, & quouis adamante durior.

Eadem figuram ægrè ſuſcipit, ſuſceptam perti-
naciffimè retinet, ut aqua, & aer, & ignis contrā.
Quomodo qui diſcendi & apprehendendi prōptitu-
dine pollent, memoria parum ualent: contrā quibus
diſcendi eſt difficultas, memoria ſunt fideli.

Gal lib. de
natu. homi-
nis.

Quæ res, uſus eſt omnino maximi, ad rerū diutur-
nitatē. Cum enim ignis, aer, aqua per ſe, & ſimul mi-
ſta materiā rei præſtent ſpargi facilem, extendi
promptā figurari aptā, in quiduis ſequacē, quibus ſuis
lineamentis

IN HIPPOCRATIS ELEMENTA.

lineamentis ductilem, sed celerrimè eluibilem figuram, & maximè caducam, ac evanidam, nisi horum subsidio terra à summo rerum omnium opifice superaddita esset, quæ ut per se ob siccitatem, & natâ inde duritiem ægrè figuratur: ita alijs elementis omnium tamè maximè aqua dum emollitur, idque mediocriter, temperaturam quandam efficit, mediâ humidissimi ac siccissimi, ut in luto apparet. In qua quidem temperatura quârum ex aqua accedit mollietiei, tantum ex terra duritiiei: & quantum aquarè figurari aptam efficit, tantum terra fingi ineptam: & quantum terræ figura est durabilis, tantum aquæ est evanida. Sed tamen ipso formationis initio plus humidorum elementorum, ut ante docui, est immistum ad formationem singularum corporis partium faciliorem, quæ ne dilabatur prospectum est per contenta, & impetum facientia, & succedentem ætatis processu siccationem. Quomodo enim nec figulus formata uasa, mox igni coquit, ne rumpantur, sed ante paulatim ueto, & sole siccatur, sic rerum opifex nostri corporis materiâ initio statim siccari noluit: sed paulatim, ne immortales essemus, si nunquam siccaretur. Id igitur ad mediocrem rerum durationem factum est, cum perpetuæ esse nequeant. Tradunt igitur elementa operas mutuas, & se inuicem adiuuant. Nam terra, aquæ beneficio, in formam quamlibet, nec ita difficulter fingi habilis redditur, à terra, aqua, ne tam promptè diffusetur, & uelut stationem deferat, cohibetur, terræ & ignis siccitas, aquæ & aeris humiditate corriguntur, & contra, ignis item caliditas, & sæpe aeris, aquæ & terræ frigiditate temperantur. Ignis &
aeris

aeris raritatem, leuitatem, tenuitatem, aquæ & terræ densitas, grauitas, crassities remorantur, illorum & aquæ splendorem, & perspicuitatem terræ opacitas inducit, & obtenebrat, ut ex contrarijs huiusmodi, tum substantijs, tum qualitatibus inuicem totis per se totas mistis generata omnia temperentur, & perdurent, donec elementa hæc quatuor cōcordi pace ligata manent, ut idem de humoribus corporum sanguine præditorum uelut elemētis intelligas. Vbi enim calidum per se, magis cum sicco in nobis abundat, adusto sanguine bilem utranque gignit, ut frigidum per se, magis cum humido pituitā, temperaturæque symmetriam, & humorum corrūpit (in qua erat simularium & primarum partium sanitas) morbosque accersit magnos, pro intemperaturæ, & humorum ametriæ magnitudine. Omnis nanque interies insignis, morbum gignit, maxima autē mortem affert. Frigiditatis in terra, & aqua est eadem ratio, ut crassitie, dēsitatis, grauitatis. Obscuritas autē terræ propria, & opacitas aliorū trium elementorū splendori, & perspicuitati obstitit, ac his temperandis cōmodant, quomodo uisionē nostram à sole, & splendore dissolutā, tenebræ & opacitas cogēdo recreant.

Hæc igitur elementa quatuor, quorū concursione omnia gignuntur, atque concreſcunt, dum cōcordi pace uelut consentiunt, res perdurat: dum dissident, & mutationibus sese plurimum exagitāt, corrumpitur, aliāque gignitur. In qua mutatione, quāuis ignis uelut causa effectrix, & terra tanquam mutationis subiectū, principes tenere partes uideātur, tamen reliqua etiā eximia sunt, quæ quatuor omni

Gal. lib.
simpl.

no necessaria. Si enim calidum elementum sustuleris, concrefcit humidum caloris inopia: si frigidum pereat elementum, omnia ignis erunt: si siccum tollatur, aqua erunt omnia: si humidum, terra, interibuntque corpora, quæ sub cælo sunt uniuersa. Nec solum. 4. elementa esse oportuit, sed qualitatibus quodammodo contraria, & substantijs, alioqui in se non agerent, si essent similia, nec à se paterentur, sed se ipsa fouerent & tanquam unum essent.

Hæc de elementorum proprietatibus, facultatibusque sufficiant, quo autem mouente misceri inuicem queant, paucis addendum est, cum per se omnino nunquam simul coeant, ac congregiantur multò minus misceantur, leuia enim duo suapte natura sursum recta tolluntur, grauia duo reliqua deorsum recta declinant. Quo igitur mouente, hæc tolluntur, illa deturbantur, uel saltem hæc quietis amica, illa deorsum præcipitata cum his contribulantur, ut etiã terra ipsa & aqua elementis quatuor sit mista. Sphærarum omnium, & in his planetarum, ac syderum motus irrequieti, ac splendores, & radij ignem maximè, secundo loco aerem, igni uicinum perpetuò commouent, aquæ infernis his commiscent.

Quomodo si centro phialæ rotundæ terram, & in circuitu eius aquam, & circum hanc uinum immittere possis, ut uitri fundo terram, super hanc aquam, desuper uinum quotidie immittimus: deinde rotundam phialam exagites, rotaturque celerrimo & perpetuo circûagas, tria hæc misceri cerneres, ut profectò in uitro miscentur.

Radios uerò mouere indicabit tibi aer, quem folis radij

lis radij per fenestram illustrant. In eo enim motu irrequieto, corpuscula quædam agitari spectas aperte ob ambientis radios aeris obscuritatē, quomodo pluuiam gracilem, & raram deprehēdis in opposita obscuraque & aperta fenestra, nō deprehendis in albo, aut splendido opposito, cum tamen non è regione tantūm fenestræ, uel obscuri alterius corporis pluat, & alijs etiam locis. Eodem opinor modo, earū uelut atomorum motum, in radijs per angustum foramen in locum obscuriorem receptis, spectare potes, in uijs publicis, et locis patentibus non potes: ubi tamen omninō similiter moueri est non modo uerisimile, sed etiam uerissimum. Si enim quouis loco ostium, uel aliud densum: sed fenestratum, aut foratum in sole derepentē statuis, motum omninō simul deprehendes. Huc pertinet quod etiam in aere publico sole illustrato, cernimus moueri corpuscula quā plurima, sed paulō grandiora, quā sint atomi.

Quæ uerō qualitates aliæ tactiles, gustatiles, uisiles, olfactiles, audibiles uariam elementorum mistionem sequantur, & præterea figuram, crassitiem, & id genus aliā docerē præsentis non est instituti, cum præsertim ex Aristotelis libris, præsertim de anima, & Theophrasto lib. de plātis, & Galeno lib. 4. simpl. & alijs, cuius discere sit promptum.

Hæc paucula de elementorum natura mihi asserere uisum est, etiam si non pauca ex his problemata, quibusdam uideri possint.



